



UPA 2016/31

Randi Vestergaard Evaldsen

17 November 2016

Nukissiorfinni Innaallagissamut, imermut kiassarnermullu assigiimmik akeqartitsinerup atuutseqqilersinnaanerata kingunerisinnaasai aammalu malitsigisaasussanut sunniutaasussat misissoqqissaarnerat nalilersorneqarnerallu pillugit nalunaarusiamik UKA2017-imi saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortat Suka K. Frederiksen aamma Jens Immanuelson, Siumut)

(Siullermeenera)

Nunami maani ullumikkut ikiorsiissutitut tapiissutinik annertuumik tunniussaartoqartareerpoq aamma taamaattumik annertuumik nammaqatigeereerpugut kifpartuussinernut akilertakkagut eqqarsaatigalugit.

Iluaqutaassagaluarpoq nassuaasiortoqarsinnaasuuppat saqqummersillugu imermut, kiassarnermut aamma innaallagissamut ikiorsiissutitut tapiissutinik qassinik tunniussisoqartarnersoq, soorlu Naalakkersuisut akissuteqaamminni oqaatigisaattut.

Aamma soqutiginnassagaluarpoq nassuaasiornermut ilanngullugu tusarsinnaasuugaanni, nukimmut mingutsitsinngitsumut aamman siunissami erngup nukinga atorlugu innaallagissiorfiliornissanut nunap immikkoortuini ataasiakkaani innuttaasut qanoq akiliitigisassanersut aamma akileraarutit aqutugalugit atuisartut sanaartornernut nutaanut qanoq akiliitigisassanersut.

Aamma pissanganassagaluarpoq tusassallugu illoqarfiit sorliit pisariaqartitsinernut innaallagissamik, imermik kiassarnermullu pilersuinerup annertusineqarnissaanut aamma kajumissaarutit suliniutillu suut atorneqarsinnaanersut qularnaarniarlugu inuit imermik, kiassarnermik innaallagissamillu sipaartarnissaat - allangortitsillutik pinngortitamut mingutsitsinnginnerusunik atuilernermikkut il.il. - ikiorsiissutinik tapiissutinik Landskarsimiit



pisarneq isumalluutigiunnaarlugu. Allatigut kajumissaarisooqarsinnaassajunnarsivoq pineqartumut ikorfartuutaasinnaasunik.

Kiisalu naggataatigut minnerunngitsumillu iluaqutaassagaluarpoq tusassallugit Naalakkersuisut eqqarsaataat pillugit inissiat iluamik oqorsarneqanngitsut, sannarlutat aamma aserfallattaalinerlutat kissamik imermillu atuinermut sunniutaat kiisalu innuttaasut nammineq qanoq iliorsinnaanersut atuinertik appartinniarlugu

Pærit innaallagissamik atuinikitsut, oqorsaanerunerit, silannarissariaatsit pitsaanagerusut, igalaat pitsaanagerusut allallu atulineq sunniuteqarfigisinnaavaat?

Aamma Naalakkersuisut eqqarsaatiginerlugu qulaani taaneqartut atueriaatsit pillugit nukimmik atuinikinnerunissamut avatangiisillu pillugit qaammarsaanissaminnut?

Taamatut oqaaseqarluta inassutigaarput siunnersuutip ataatsimiititaliami susassaqartumi suliareqqinneqarnissaa.